



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը


You are free to:

**Share** — copy and redistribute the material in any medium or format

**Adapt** — remix, transform, and build upon the material

91.71

7-97



Հրատարակութիւն ՄՈՒՐՁ ամսագրի

Ա. Պ Ո Ւ Շ Կ Ի Ն

# ՅԱԻԵՐԺԱ ՀԱՐՍԸ

(ՊՅԷՄԱ)

Թարգմանեց

ԿՈՍՏԱՆԳՒԼՆ ԿՐԱՍՈՎՆԻԿՆԱՆ

Թ Ի Ֆ Լ Ի Ս

Տպարան Վրաց Հր. ԸՆԿ. || Типогр. Груз. Изд. Т—ВА  
1902

15 108  
ce 08

891.71

7-90

89171  
1902  
1-97  
1000000000  
1000000000

Թ. Մանուկյան  
Քրիստոսյան  
Գործ. Ստ.  
ԹԻԲԻՍ

Հրատարակութիւն ՄՈՒՐՑ ամսագրի

Ա. Պ Ո Ւ Շ Կ Ի Ն

Յ Ա Ի Ե Ր Ժ Ա Հ Ա Ր Ա Ը 30



Թարգմանեց

ԿՈՆՍՏԱՆԳՆԻՆ ԿՐԱՍԻՆԼՆԻԿԵԱՆ



Թ Ի Ֆ Լ Ի Ս

Տպարան Վրաց Հր. Ընկ. ||| Типогр. Груз. Изд. Т—ва  
1902

1002  
5494

2001

267

23 JUL 2013

13/33

1902 JAN 11

Дозволено цензурою. Тифлисъ, 11 января 1902 года.

ՏԵՍԱՐԱՆ ԱՌԱՋԻՆ

Դ ն է պ ը ի ա փ ը. ջ ը ~~պ~~ ղ ա ց:

ՋԱՂԱՅՊԱՆՆ ՈՒ ՆՐԱ ԱՂՋԻԿԸ

Ջաղացական:

Փ՛հ, բանն էլ այդ է, որ դուք բոլորդ  
Յիմնը էք, յիմար, ջանէլ աղջկերք:  
Թէ ձեզ պատահեց մի նախանձելի  
Ոչ հասարակ մարդ, դուք պիտի նրան  
էլ ամենևին ձեռքից չը թողնէք:  
Իսկ ինչո՞վ.— ագնիւ, խելացի վարքով  
Հրապուրել նրան, մերթ փաղաքշանքով,  
Եւ մերթ խտուրթեամբ, մի-մի անգամ էլ  
Հարևանցօրէն խօսք պիտի դցել  
Պսակի մասին, իսկ ամենից շատ  
Անարատ պահել կոյսի պատիւը—  
Այդ անդին գանձը Դա, ինչպէս խօսքը,  
Եթէ դուրս թռաւ, էլ ձեռք չի ընկնի:  
Բայց ամուսնութեան թէ էլ յոյս չը կայ.

Հօ կարելի է մի բան վստահել  
 Իրան, կամ գոնէ ծնողի համար:  
 Պէտք է մտածել՝ «նա ինձ յաւիտեան»  
 Հօ չի սիրելու և վայելալու:  
 Է՛հ, չէ, դուք իսկի ընդունակ էլ չէք  
 Մի լաւ բան անել: Մի՞թէ յարմար է.  
 Իսկոյն գժուում էք և երջանիկ էք՝  
 Զրի կատարել նրա հաճոյքը:  
 Պատրաստ էք ողջ օր ձեր սիրելիի  
 Վզից կախ ընկնել, իսկ այդ սիրելին,  
 Տեսար—չբացաւ, հետքն էլ չերեաց  
 Եւ դուք էլ ոչինչ օգուտ չունեցար...  
 Օ՛հ, դուք բոլորդ էլ այդպէս յիմար էք:  
 Քեզ հարիւր անգամ մի՞թէ չեմ ասել.  
 Է՛յ, անշիկ, նայիր, այնքան էլ տխմար  
 Մի լինիր, բախտը քո ձեռքից չը տաս.  
 Մի թող իշխանին, և յիմարաբար  
 Քեզ չը կորցնես: Եւ ինչ դուրս եկաւ.  
 Դէհ, այժմ նստիր ու միշտ դու ողբս,  
 Ինչ որ յետ բերել չես կարող արդէն:

## Աղջիկ:

Ինչո՞ւ ևս կարծում, որ նա ինձ թողեց:

## Ջաղացական:

Ի՛նչպէս թէ ինչո՞ւ, նա սովորաբար  
 Շարթուայ ընթացքում քանի անգամ էր  
 Ջաղացը գալիս: Հը՞... ամենայն օր,  
 Բայց երբեմն էլ և՛ երկու անգամ.  
 Յետոյ ըսկսեց աւելի քիչ գալ,  
 Եւ անձ արդէն իննեքորդ օրն է՝  
 Նրան չենք տեսնում. սրան ի՛նչ կ'ասես:

## Աղջիկ:

Նա զբաղուած է. քիչ հոգսեր ունի:  
 Ջաղացական հօ չէ. ջուրը չէ գործում  
 Նրա փոխարէն: Նա միշտ ասում է՝  
 Որ նրա գործը ամենից ծանր է:

## Ջաղացական:

Այ՛ն, ինչպէս չէ, հաւատան նրան:  
 Ե՞րբ են աշխատում այդ իշխանները:  
 Եւ դա ինչ գործ է: Աղուէս, նստրաստակ  
 Որսալ, քէֆ անել, քերթել զբացուն,  
 Իսկ յիմարներիդ այդպէս համոզել:  
 Խեղճուկ. նա ինքն է աշխատում, բանում,  
 Իսկ իմ տեղ՝ ջուրը... Բայց օր ու գիշեր  
 Ես հանգիստ չունեմ—այստեղ կարկատիր,

Անտեղ կարկառիր, մի անդ փառած է,  
 Մի անդ ջուր է գցում. թէ կարողանաս  
 Նորոգման համար խնդրել իշխանից  
 Գէթ մի քիչ դրամ, շատ լաւ կը վնէր:

Աղջիկ:

Ախ:

Զաղացական:

Ի՞նչ է:

Աղջիկ:

Նրա ձիու քայլերի

Զայնն եմ լսում... Նա է, նա...

Զաղացական:

Տես, հա,

Աղջիկս, յիշիր իմ խորհուրդները...

Աղջիկ:

Քայլիս է, գալիս: (Մտնում է իշխանը. ձիապա-  
 նը տանում է ձին.)

Իշխան:

Ողջոյն, սիրելիս,

Ողջոյն, ջանաւորս:

Զաղացական:

Ողորմած իշխան,

Բարով էք եկել. վաղուց է, վաղուց,

Պայծառ աչքերիդ կարօտում էինք:

Գնամ քեզ համար մի բան պատրաստեմ

Հիւրասիրելու: (Գնում է):

Աղջիկ:

Ախ, վերջապէս դու

Ինձ միտդ բերիր: Միթէ ամօթ չէ,

Նր այսքան երկար սպասել տալով

Դու անգթաբար ստիպում ես ինձ

Զուր անգը տանջուել ի՞նչ մտքեր ասես

Գլուխս չեն եկել. ինչ աճ ու գողով

Չեմ պաշարուել ես: Մերթ ինձ թւում էր,

Թէ ձին քեզ գցեց անդունդ կամ ճահիճ,

Մերթ թէ թանձրախիտ, մութը անտառում

Արջը սպանեց, թէ դու հիւանդ ես,

Թէ ինձ չես սիրում... Բայց, փնորք Աստուծո,

Դու ողջ առողջ ես և առաջուայ պէս

Դարձեալ սիրում ես, այնպէս չէ:

Իշխան:

Այն,



Իմ անգին հրեշտակ, առաջուայ նման.  
Ո՛չ, առաջուանից դեռ էլ աւելի:

Աղջիկ:

Բայց դու ախուր ես, ի՞նչ է պատահել:

Իշխան:

Ես ախուր եմ. ոչ, ես միշտ ուրախ եմ,  
Երբ քեզ տեսնում եմ:

Աղջիկ:

Ո՛չ, երբ ուրախ ես,  
Հեռուից վազում ես դէպի ինձ ու կանչում.  
Ո՞ւր է աղաւնեակս, ի՞նչ է անում նա:  
Յետոյ համբուրում ու հարցնում ես,—  
Արդեօք ուրախ եմ, որ քեզ տեսնում եմ,  
Արդեօք այդպէս վաղ սպասում էի...  
Իսկ այսօր—դու ինձ անխօս լսում ես,  
Ինձ ո՛չ գրկում ես և ո՛չ համբուրում,  
Անշուշտ մի բանից դու վրդովուած ես.  
Բայց ինչից, ասա՛. գուցէ ինձ վրայ  
Դու բարկացած ես:

Իշխան:

Ես, չեմ կամենում  
Չուր տեղը կեղծել, դու ճիշտ ես ասում.

Ծանր թախիծ եմ կրում սրտիս մէջ  
Եւ դու չես կարող փարատել նրան.  
Ո՛չ քո սիրատենչ փաղաքշանքներով,  
Ո՛չ մխիթարել, ոչ էլ բաժանել:

Աղջիկ:

Բայց յաւ եմ զգում, որ քո վշտերով  
Ես չեմ վշտանում քեզ հետ միասին:  
Ասա՛ դաղտնիքդ. եթէ թոյլ կը տաս,  
Ես լաց կը լինեմ, թոյլ չես տայ—կաթիլ  
Մի արտասուք էլ չի հոսի աչքիցս:

Իշխան:

Ի՞նչ ուշայնեմ, որքան շուտ ասեմ,  
Այնքան էլ լաւ է: Իմ անգին ընկեր,  
Դու գիտես, որ այս ունայն աշխարհում  
Չը կայ մնայուն մի երջանիկութիւն—  
Ո՛չ յայտնի տոհմը, ո՛չ գեղ և ո՛չ դանձ,  
Ո՛չ մի զօրութիւն չեն կարող բնու  
Մեզ ազատ պահել աղէտից: Եւ մենք  
Երջանիկ էինք, այնպէս չէ, հողիս:  
Գոնէ քեզանով, քո սիրովը ես  
Երջանիկ էի, և այսուհետեւ  
Ինչ էլ պատահի, սէր էլ որ լինեմ,  
Միշտ քեզ կը յիշեմ, ընկեր սիրելի:

Այն, ինչ որ այժմ ես կորցնում եմ,  
Ձի փոխարինի աշխարհում ոչինչ:

## Աղջիկ:

Քո խօսքերը դեռ ես չեմ հասկանում,  
Բայց արդէն սիրտս դողում է ահից.  
Ճակատագիրը մեզ սպանում է  
Եւ մեզ պատրաստում մի վիշտ ունձանօթ—  
Գուցէ՛ անջատուին...

## Իշխան:

Դու գուշակեցիր.

Անջատուին է մեզ ճակատագիրը  
Նախասահմանել:

## Աղջիկ:

Ո՞վ մեզ կ'անջատէ.

Մի՞թէ ազատ չեմ քեզ հեռակուլ,  
Ուր որ էլ գնաս: Ես տղի շորեր  
կը հագնեմ. ճամբին, թէ կուռի պահուն  
Քեզ հաւատարիմ կը ծառայեմ ես.  
Կուռից չեմ վախում, գէթ քեզ հեռ լինեմ:  
Ո՛չ, ո՛չ, մի՛ ասիր, ես չեմ հաւատում.  
Գուցէ ուզում ես դու խօսք դուրս քաշել,  
Կամ ինձ հետ դատարկ կատակ ես սնում...

## Իշխան:

Ո՛չ, այսօր միտքս կատակ չէ գալիս,  
Ոսօք էլ դուրս քաշել ինձ հարկաւոր չէ:  
Ես չեմ պատրաստում կոիւ գնալու,  
Ո՛չ հեռու ճամբայ: Ես տանն եմ մնում,  
Բայց պէտք է քեզնից լաժանուկում ընդ միշտ:

## Աղջիկ:

Սպասիր, այժմ ես հասկանում եմ.  
Դու պսակում ես: (Եշխանը բռնում է.)  
Դու պսակում ես...

## Իշխան:

Ի՛նչ պէտք է արած. դու ի՛նքդ դատիր.  
Իշխանները հօ ազատ չեն, ինչպէս  
Դուք աղջկերբդ: Հարսնացու նրանք  
Ձեն ընտրում այնպէս, ինչպէս որ իրանց  
Սիրտը ուզում է, այլ ուրիշ մարդկանց  
Հաշուի համաձայն, և ուրիշներին  
Օգուտի համար... Քո վիշտը Աստուած  
Եւ ժամանակը կը մխիթարեն:  
Ինձ մի՛ մոռանար. իբրև յիշատակ  
Այս գլխի զարդը վեր աւ և թո՛յլ տուր՝

Ինքս հազցնեմ: Բերել եմ նաև  
Մի սիրուն մանեակ—այդ էլ վերջրու:  
Հն, այս մէկն էլ տուր քո հօրը—նրան  
ես խոստացել եմ: (Տալիս է նրան ոսկով լի մի  
քսակ):

Մանս բարև:

Աղջիկ:

Ես...

Սպասիր, մի բան պէտք է ասելի—  
Չեմ յիշում թէ ինչ:

Ի՞՞՞խան:

Միտդ բեր:

Աղջիկ:

Քեզ համար

Պատրաստ եմ ես ողջ... Ո՛չ, այդ չէ, սպասիր...

Անկարելի է, որ դու իսկապէս

Ինձ կարողանաս յաւիտեան թողնել...

Բայց բանն այդ չէ... Հն, միտս եկաւ.

Այսօր կրճքիս տակ մանուկդ խաղաց:

Ի՞՞՞խան:

Դժբախտ, ինչ արած. դէթ նրա համար  
Դու քեզ պահպանիր: Ես չեմ թողնի քեզ.

Եւ ոչ քո մանկան: Ժամանակով էլ  
Գնացէ ես կը գամ եւ ձեզ կ'այցեղեմ:  
Մի տխրիր, թո՛յլ տուր, որ վերջին անգամ  
Քեզ կրճքիս սեղմեմ: (Գուրս գնալով):

Ո՛հհ, վերջացաւ ողջ:

Կարծես սրտիցս մի քար վայր ընկաւ.

Ես փոթորիկի էի սպասում,

Բայց բանն անցաւ բաւական հանդարտ:

(Իշխանը գնում է, իսկ աղջիկը մնում է անշարժ):

Ջաղացպան, մտնում է:

Շնորհ չէք անի արդեօք գալ ջրա...

Հապա ո՛ւր է նա. ասո՛ւ, ո՛ւր գնաց

Մեր իշխանը: Վնհ, ինչ գլխի զարդ է,

Ամբողջ թանկագին քարերով ծածկուած,

Այնպէս փայլում է: Ի՛նչ ուշուհներ են...

Իսկ արքայական շքեղ ընծայ է:

Ա՛խ, մեր բարերար... Իսկ այս ինչ բան է,

Քսակ, չը լինի՞ թէ փող է... Ի՛նչ է,

Սառած կանգնել ես, չես պատասխանում,

Մի խօսք չես ասում. թէ՛ անսպասելի

Ուրախութիւնից խելքդ թռել է.

Թէ՛ սպուշութիւն եկաւ քեզ վրայ:

## Աղջիկ:

Ես չեմ հաւատում, անկարելի է.  
 Ես նրան այնպէս ջերմ սիրում էի...  
 Կամ նա գազան է, կամ քարացել է  
 Նրա սիրտը:

## Ջաղացպան:

Ո՛ւմ մասին ես խօսում:

## Աղջիկ:

Անն ինձ, հայրիկ, մի՞թէ իշխանին  
 ես կարող էի բարկացնել. մի՞թէ  
 Մի շաբաթուայ մէջ գեղեցկութիւնս  
 Չքացաւ, թէ՛ նրան իրաւ հմայեցին:

## Ջաղացպան:

Ի՞նչ պատահեց քեզ:

## Աղջիկ:

Հայրիկ, նա գնաց:

Տես, ձին քշում է, իսկ ես անխելքս  
 Նրան բաց թողի: Նրա վեշերից  
 Ես չը բռնեցի եւ ձիւ սանձից  
 Կախ չընկայ: Թող նա բարկութիւնից  
 Չեռքերս կտրէր մինչև արմունկը,  
 Թող հէնց այստեղ էլ ջարգէր իր ձիւ  
 Ոտքերի տակ:

## Ջաղացպան:

Ի՞նչ պատահեց սրան:

## Աղջիկ:

Արգեօք դու դիտես, որ իշխանները  
 Մեզ պէս ազատ չեն. կին են վերցնում  
 Ո՛չ իրանց սրտի, կամքի համաձայն...  
 Իսկ նրանք հօ միշտ ազատ կարող են  
 Խարել, լայ լինել, երդուել և ասել.  
 «Ես քեզ կը տանեմ իմ ապարանքը,  
 Իմ ննջարանը, քեզ կը հագցնեմ  
 Գիւղակ և թաւիչ»:—Նրանք ազատ են  
 Խեղճ աղջկերանց սովորեցնել  
 Կէս գիշերուանից անդից վեր կենալ  
 Իրանց շվոցից և մինչ արշալոյս  
 Ջրաղացի մօտ ժամանակ անցնել:  
 Նրանց հաճոյ է, որ իշխանական  
 Միրաք միշտ բերկրի և դուարճանայ  
 Մեր անբախտութեամբ: Յետոյ, մնաս բարով.  
 Գնն, հնգեակս, ուր որ կամենաս,  
 Եւ սիրիր, նւմ որ քո սիրտը կ'ուզէ:

## Ջաղացպան:

Ա՛, անն թէ ինչ...

## Աղջիկ:

Բայց ո՞վ է նրա

Հարսնացուն, որին ինձ փոխարինեց:  
Օ՛, ես կ'իմանամ, կը գտնեմ նրան.  
Ես կ'ասեմ նրան՝ այդ չարագործին.  
Հեռացիր մեզնից, դու հօ տեսնում ես՝  
Երկու էգ գայլեր չեն կենում երբէք  
Մի որջում...

## Ջաղացպան:

Յիմար, եթէ իշխանը

Հարսնացու ընտրի, ո՞վ կը յանդգնի  
Արգելել նրան: Հէնց դրա համար  
Քեզ ասում էի...

## Աղջիկ:

Եւ նա կարող էր,

Ինչպէս բարի մարդ, ինձ հրաժեշտ տալ,  
Եւ ընծայ բերել: Ի՛նչպէս, և դրանով:  
Նա իր արարքը մտածեց գնել  
Փողով. նա ուզեց արծաթադօծել  
Լեզուս, որպէս զի նրա մասին վատ  
Լուր չը տարածուի և նրա ջանքի  
Կինը չիմանայ... Հա՛, մոռացայ ես.

Նա ասաց որ այս արծաթը ասմ քեզ,  
Որովհետեւ դու շատ բարի էիր,  
Եւ քո աղջկան թոյլ էիր տալիս  
Նրա ետեւից քաշքշուել, որ դու  
Քո աղջկանը խիստ չէիր հսկում...  
Իմ անկումը քեզ օգուտ կը բերի: (Տալիս է  
նրան քսակը)

Ջաղացպան, արտասուքն աչքերին,

Ի՛նչ օրի հասայ. Աստուած իմ գլխիս  
Ի՛նչ փորձանք բերաւ: Մեղք է քեզ համար,  
Որ դու քո հօրը այդպէս դառնազին  
Յանդիմանում ես: Միակ զաւակս ես,  
Ամբողջ աշխարհում միակ մխիթար  
Իմ ձերութեան մէջ: Եւ ի՛նչպէս ես քեզ  
Երես չը տայի: Աստուած ինձ պատժեց,  
Որ ես հայրական պարտականութիւնս  
Թոյլ կատարեցի:

## Աղջիկ:

Օ՛հ, ես խեղդում եմ,

Եւ սառը օձը ճնշում է վրդս...  
Ո՛չ թէ մանևակով, այլ մի ժանտ օձով  
Նա ինձ փաթաթեց... (Պոկում է իրանից մարգա-  
րիտը)

1002  
5794

Ահա հէնց այսպէս  
Կը պատռէի քեզ, անիծեանլ օձ-կիւն,  
Քեզ, որ միմեանցից մեզ անջատեցիր:

Չաղացական:

Դու զառանցում ես. իսկ զառանցում ես:

Աղջիկ, հանում է զլիւի զարդը:

Ահա իմ պսակը, անարգ պսակը.  
Ահա թէ ինչով մեզ պսակեց նենգ,  
Ստոր թշնամին, երբ հրաժարուեցի  
Ես այն ամենից, ինչ որ ինձ համար  
Առաջ շատ թանգ էր: Մեր պսակը լուծուեց.  
Հեռացիր ինձնից, պսակ իմ: (Գցում է Գնէպրի  
մէջ իր զլիւի զարդը):  
Ամեն ինչ

Վերջացաւ այժմ... (Ընկնում է դեռը):

Ծեռուկ, վայր ընկնելով:

Օ՛, վայ ինձ, վայ ինձ:

ՏԵՍԱՐԱՆ ԵՐԿՐՈՐԻ

Ի շ խ ա ն ա կ ա ն ա պ ա ր ա ն ք:

ՀԱՐՍԱՆԻ Է. ՆՈՐԱՊՍՏԱԿՆԵՐԸ ՆԱՏԱԿ ԵՆ ՍԵՂԱՆԻ ՇՈՒՐՁԸ,  
ՀԻՐԵՐ. ԱՂՋԿԵՐԱՆՑ ԽՄԲԵՐԳ

Խնամի:

Հարսանիքը շատ ուրախ անցկացաւ:  
Ողջնք քեզ, իշխան, քո երիտասարդ  
Իշխանուհու հետ: Տայ Աստուած, որ դուք  
Միմեանց հետ սիրով, համերաշխ ապրէք,  
Իսկ մենք էլ ձեզ մօտ յաճախ քէֆ անենք:  
Ինչո՞ւ էք լռել, սիրուն աղջկերք.  
Ինչո՞ւ էք դուք մունջ, սիպտակ կարագներ.  
Թ՛է բոլոր երգեր երգեցիք արդէն,  
Թ՛է կոկորդներդ երգից ցամաքեց:

Խմբերգ:

Խնամի ջան, խնամի,  
Ա՛յ, անչնորհք խնամի.  
Հարս տեսնելու դնացինք—  
Բանջարանոց մենք մտանք,  
Եւ մի տակառ դարեջուր  
Ամբողջովին թափեցինք.

Ողջ կաղամբը ջրեցինք,  
 Ցանկապատին գլուխ տուինք,  
 Աղօթք արինք մենք դռնին.  
 Դռնիկ ջան դու, դռնիկ ջան,  
 Դէհ, շուտ ցոյց տուր մեզ ճամբան,  
 Հարս տեսնելու մեր ճամբան:  
 Խնամի ջան, գլխի ընկիր,  
 Ձեռքդ ջէբդ դու գցիր.  
 Ձէքիդ փողը զընգալիս  
 Ի՞նչպէս է մեզ դուր գալիս:

Խնամի:

Չարածձիններ, ինչ երգ էք ընտրել.  
 Դէհ, շուտ վերցրէք, բայց խնամուն էլ  
 Մի յանդիմանէք: (Պարգևատրում է աղջկերանց):

Մի ձայն:

Գարերի միջով,

Դեղին աւազով հոսում է մի գետ.  
 Այդ արագահոս գետի ջրերում  
 Պար են բռնում միշտ երկու հատ ձկնիկ,  
 Երկու հատ ձկնիկ, երկու տարեխիկ:  
 Իսկ դու լսել ես, իմ քոյրիկ ձկնիկ,  
 Այն լուրի մասին, մեր գետի մասին,

Թէ ինչպէս մի օր, մի սիրուն աղջիկ  
 Խեղդուեց գետի մէջ, թէ նա խեղդուելիս,  
 Ինչպէս անիծեց իր սիրելիին:

Խնամի:

Ի՞մ սիրունիկներ, ախր այդ ի՞նչ է,  
 Հարսանիքի էլ կարծես թէ երգ չէ:  
 Այդ ո՞վ ընտրեց, դէ ասէք, տեսնեմ:

Աղջիկներ:

Ե՛ս չեմ... ես էլ չեմ...

Խնամի:

Հապա ո՞վ երգեց:

(Շշնջին և իրարանցում աղջկերանց մէջ):

Իշխան:

Ես դիտեմ ով էր: (Վեր է կենում տեղից և կամայ  
 ասում ախտապետին):

Չէ որ այստեղ է

Չաղացականուհին: Դուրս գցիր նրան,  
 Եւ իմացիր տես, ո՞վ համարձակուեց  
 Նրան ներս թողնել: (Սխտապետը մօտենում է  
 աղջկերանց):

Իշխան, ինքն իրան

Նա այստեղ գուցէ

Այնքան ձայն, աղմուկ կը բարձրացնի,

Ար ես ամօթից չեմ էլ իմանայ  
Թէ սրտեզ թագնուեմ:

Ախոռապէս:

Նրան չը գտայ:

Ի՞՞՞խան:

Փնտրիր, ես գիտեմ, որ նա այստեղ է.  
Նա էր երգողը:

Հիւր:

Տես թէ ի՞նչ մեղք է.

Մարդու գլուխը ու ստն է ընկնում,

Ափսոս, որ դառն է. բայց վատ չէր լինի

Քիչ քաղցրացնել...

(Նորապսակները համբուրում են. լսում է մի թուր  
ճիշտ)

Ի՞՞՞խան:

Նա է, այդ նրա

Խանդոտ ճիշն է... Ի՞նչ է:

Ախոռապէս:

Ոչ մի տեղ

Չը գտայ նրան:

Ի՞՞՞խան:

Յիման:

Փետեղբայր:

Բայց արդեօք

ժամանակը չէ, որ իշխանուհուն

Յանձնենք ամուսնուն և չէմքամիջում

Մենք գայլուկ շաղ տանք նրանց գլխներին:

Խնամի:

Ի հարկէ, ճիշտ որ ժամանակն է.

Հապա մի այստեղ բերէք սքլարը:

(Նորապսակներին ուտացնում են տապակած  
սքլար, շաղ են տալիս նրանց գլխին գայլուկ  
և տանում են ջարան)

Խնամի:

Տիրուհի, հոգեակա, մի լար, մի վախիր,

Հնազանդ եղիր: (Նորապսակները գնում են նըն-  
ջարան. ամենքը ցրում են բացի խնամուց և  
փետեղբորից)

Փետեղբայր:

Ո՞ւր է գաւաթը.

Ամբողջ գիշերը պատուհանի տակ

Ես պիտի չըջեմ, և վատ չէր լինի

Գինով տաքանալ:



Խնամի, լցնում է նրա գաւաթը՝

Ա՛ռ, անուշ արա՛:

Փետեղբայր:

Ո՛ւհ, չնորհակալ եմ: Ի՛նչ որ ամեն ինչ  
Շատ լաւ անցաւ, չէ: Հարսանիքը հօ՛  
Նմանը չունի:

Խնամի:

Այն, փնոք Աստուծոյ,  
Բոլորը լաւ անցաւ, բացի մի բանից:

Փետեղբայր:

Ի՞նչ բանից:

Խնամի: —

Ախր այն երգը իսկի  
Բարի նշան չէր, և հարսանիքի  
Երգ էլ չէր. Աստուած գիտէ, թէ ինչ էր:

Փետեղբայր:

Է՛հ, միշտ պէտք է որ այդ ազջկերքը  
Մի օյին սարքեն: Ա՛խր վայել է,  
Որ իշխանական պերճ հարսանիքը  
Դիւամար խանդարեն:

ՏԵՍԱՐԱՆ ԵՐՐՈՐԳ

Դ ա հ լ ի ճ:

ԻՇԽԱՆՈՒՇԻ ԵՒ ԳՍՅԵԱԿ

ԻՇխանուհի:

Սնւս, կարծես փողը փչում է. բայց ոչ,  
Նա չէ գալիս, չէ: Ախ, նանի, երբ նա  
Դեռ փեսացու էր, իմ կշտից մի քայլ  
Չէր հեռանում, և պատահում էր,  
Որ աչքը ինձնից չէր հեռացնում:  
Հէնց ամուսնացաւ,—ամեն ինչ փոխուեց.  
Այժմ նա վազ է ինձ զարթեցնում,  
Եւ հրամայում է, որ ձին չուտ թամբեն,  
Մինչև կէս գիշեր Աստուած գիտէ թէ  
Նա ո՛ւր է գնում: Վերադառնում է—  
Հազիւ հազ քաղցր մի խօսք է տոււմ,  
Հազիւ սիրալիր ձեռքով շփում է  
Սիւստակ երեսս:

Դայեակ:

Է՛հ, իշխանուհի,

Տղամարդը ձիշտ որ արազազ է.

Կնւ-կնւ-կնւ... տեսար թեր թափ տուեց  
 Ու փախաւ զնաց: Իսկ կինը—ինչպէս  
 Թխական հաւը՝ նստիր քո տեղը  
 Ու ձուտեր հանիր: Երբ փեսացու է—  
 Նա ամենեին տեղը չի նստի,  
 Ձի ուտի-խմի, երկնք կը նայի,  
 Եւ չի կշտանայ: Հէնց որ պսակուեց—  
 Հոգսը շատացաւ. պէտք է այցելել  
 Հարեաններին, կամ որսի գնալ,  
 Կամ կը սլանայ դէպի պատերազմ,  
 Այստեղ կամ այնտեղ, իսկ տանը նստել  
 Ձի կարողանայ:

## Իշխանուհի:

Ի՞նչպէս ես կարծում,

Արդեօք նա չունի գաղանի սիրուհի:

## Գայեակ:

Օ, մեղք մի գործիր, ախր ումի՛ հետ  
 Նա քեզ կը փոխի. դու ամեն բանով  
 Յաղթել ես նրան. խելքով, հրաշալի  
 Քո գեղեցկութեամբ, սովորոյթներով  
 Եւ ուշիմութեամբ: Մտածիր, հոգիս,  
 Ո՞ւմ մէջ այդքան զանձ նա պիտի գտնի,  
 Եթէ ոչ քո մէջ:

## Իշխանուհի:

Եթէ որ Աստուած

Աղօթքս լսէր, երեխայ տար ինձ,  
 Ես այն ժամանակ լաւ կ'իմանայի  
 Ամուսնուս դէպի ինձ դրաւել նորից...  
 Տես, որսորդներով բակը լցուեցին,  
 Մարդս տուն եկաւ. բայց ինչո՞ւ համար  
 Նա չէ երևում: (Մտնում է որսորդը)

Ո՞ր է իշխանը:

Որսորդ:

Նա մեզ հրամայեց տուն վերադառնալ:

## Իշխանուհի:

Բայց ինքն ո՞ր է:

Որսորդ:

Իշխանը մնաց

Մենակ անտառում Դնէպրի ափին:

## Իշխանուհի:

Դուք յանդգնեցիք թողնել իշխանին  
 Անտառում մենակ: Շնա հաւատարիմ  
 Ծառաներ էք դուք: Գնացէք, իսկոյն  
 Թուէք նրա մօտ, ասացէք, որ ձեզ  
 Ես եմ ուղարկել: (Որսորդը գնում է)

Ա՛խ, Տէր իմ Աստուած,

Անտառում մենակ այս կէս գիշերին,  
Ե՛ւ վայրի գազան, և՛ դաժան մարդիկ,  
Ե՛ւ մարդագէտեր թափառում են միշտ.  
Մի՛թէ փորձանքը շատ կըստասել տայ.  
Շուտով մո՛մ վառիր պատկերի առաջ:  
Դայեակ:

Իսկոյն կը վառեմ, իսկոյն, անքիս լոյս:

### ՏԵՍԱՐԱՆ ՉՈՐՐՈՐԴ

Դ ն է պ ը . գ ի շ Ե ը :

Յաւերժահասեր

Ուրախ խմբով մենք

Խորը յատակից

Գիշերն ելնում ենք,

Տաքանում լուսնից...

Սիրում ենք մենք գիշերներով

Գետի տակից հեռանալ,

Սիրում ենք ազատ գլխով

Գետի երես բարձրանալ.

Միմեանց ձայն տալ, հնչուն օդը  
Ազմուկներով մեր լցնել,  
Եւ մեր կանաչ թաց մազերը  
Օդում թափ տալ, չորացնել:

Մեկը:

Սնւս, թռչնիկը թփերի տակ  
Թրթռում է խաւարում:

Մի ուրիշը:

Մեր և լուսնի միջև մէկը  
Ման է գալիս ամերում: (Թագնում է):

Իւխան:

Դէպի այս տխուր ամերն ակամայ  
Ինձ մի անյայտ ոյժ հրապուրում է միշտ...  
Օ, ծանօթ վայրեր, վշտալի վայրեր:  
Այստեղ ամեն ինչ ես լաւ յիշում եմ.  
Ահա ջաղացը... նա արդէն քանդուել  
Ու փուլ է եկել. նրա անիւների  
Ուրախ վշտոցի ձայնը չէ հնչում:  
Երկանքը կանգնել, էլ չէ պտրտում.  
Երեւի պառաւ խեղճ ջաղացպանն էլ  
Մեռել է: Նա իր թշուառ աղջկան  
Երկնք ողբում էր: Այստեղ շափղ կար.

Նա խափանուել է... Վաղուց է, վաղուց,  
 Ո՛չ մի մարդ այստեղ էլ ոտ չէ դնում:  
 Այստեղ պարտեղ կար չուրջը ցանկապատ.  
 Մի՛թէ նա արդէն անտառ է դարձել:  
 Ահա և կաղնին այն նուիրական.  
 Այստեղ ծառի տակ նա ինձ գրկելով  
 Գլուխը խոնարհեց ու լուց... մի՛թէ  
 Կարելի բան է: (Մտնում է դառնը. տերևները  
 թափում են):

Այս ինչ եմ տեսնում.

Ծառի տերևներն յանկարծ զեղնեցին  
 Եւ ոլորուելով ու խշխշալով,  
 Թափուեցին վրաս. իմ առաջ ահա  
 Կանգնած է կաղնին մերկ և սև, ինչպէս  
 Մի անիծած ծառ: (Մտնում է ձերուկը ցնցոտի-  
 ների մէջ և կիսամերկ):

Ծերուկ:

Բարով քեզ, փեսայ:

Իշխան:

Ո՞վ ես դու, ձերուկ:

Ծերուկ:

Ես այս տեղերի

Ազոաւն եմ:

Իշխան:

Մի՛թէ սա ջաղացպանն է:

Ծերուկ:

Ի՛նչ ջաղացպան. ես իմ ջաղացը  
 Ծախել եմ արդէն սատանաներին,  
 Իսկ փողը տուել յաւերժահարսին—  
 Գուշակող աղջկաս, որ նա պինդ պահէ:  
 Փողը թաղուած է Դնէպը գետի  
 Աւազների տակ. նրան հսկում է  
 Միաչեայ ձուկը:

Իշխան:

Խեղձ, նա գժուել է:

Նրա մտքերը այնպէս են ցրուած,  
 Ինչպէս ամպերը փոթորկից յետոյ:

Ծերուկ:

Այս երեկոյեան դու ինչու չեկար.  
 Մեզ մօտ խնջոյնք կար և մենք քեզ երկար  
 Սպասում էինք:

Իշխան:

Ո՞վ էր սպասում:

Ծերուկ:

Ով էր սպասում. ի հարկէ, աղջիկս:  
Դու գիտես, որ ես բոլորի վրայ  
Նայում եմ միայն մատերի միջով  
Եւ ազատութիւն տալիս լիովին.  
Թէկուզ նա քեզ հետ նստի ողջ գիշեր,  
Մինչև ի լոյսը—մի խօսք չեմ ասի:

Իշխան:

Խեղճուկ ջաղացպան:

Ծերուկ:

Ի՞նչ ջաղացպան եմ.

Քեզ հօ ասում են, որ ես ազուա եմ,  
Ո՛չ թէ ջաղացպան: Հիանալի դէպք.  
Երբոր (յիշում ես) նա իրան գցեց  
Գետը, վազեցի նրա ետևից  
Եւ հէնց ուզեցի այն ժայռի գլխից  
Ինձ ջուրը նետել, և մէկ էլ յանկարծ  
Զգացի՝ երկու զօրաւոր թեկեր  
Իսկոյն իմ կոան տակերից բուսան  
Եւ ինձ օդի մէջ կախուած պահեցին:  
Այդ ժամանակից մերթ ես թռչում եմ  
Այս ու այն կողմը, մերթ կուտկուտում եմ

Սատկած կովերին, մերթ նստում եմ ես  
Գերեզմանի վրայ ու կրկուում եմ:

Իշխան:

Ի՞նչ խղճալին է: Քեզ ո՞վ է նայում:

Ծերուկ:

Այն, նայել ինձ շատ լաւ կը լինէր.  
Ես ծերացել եմ, պահանջող դարձել:  
Շնորհակալ եմ, ինձ խնամում է  
Յաւերժահարսը:

Իշխան:

Ո՞վ:

Ծերուկ:

Իմ թոռնիկը:

Իշխան:

Հասկանալ սրան անկարելի է:  
Ծերուկ, դու այստեղ, այս անտառի մէջ  
Քաղցից կը մեռնես, կամ թէ գողտնը  
Քեզ կ'ուտէ: Արդեօք չես կամենայ գալ  
Իմ ապարանքը և ինձ հետ ապրել:

Ծերուկ:

Քո ապարանքը. ո՛չ, շնորհակալ եմ,  
Ինձ կը հրապուրես և յետոյ, գուցէ,

Խեղդես մահեակով: Այստեղ ապրում եմ  
Ե՛ւ կուշա, և՛ ազատ: Քո ապարանքը  
Ինձ հարկաւոր չէ: (Գնում է):

Իշխան:

Եւ այս բոլորի

Պատճառը ես եմ. սոսկալի բան է  
Խեղքից զրկուելը: Մեռնելը լաւ է.  
Մեռելի համար աղօթք են անում,  
Յարգանք ցոյց տալիս. մահը նրա հետ  
Հաւասարում է իւրաքանչիւրիս:  
Սակայն այն մարդը որ խեղքից զուրկ է  
Նման չէ մարդու, իզուր խօսելու  
Շնորհք է տուած—նա խօսքին տիրել  
Ձի կարողանայ: Նրա մէջ նոյն իսկ  
Գազանը իրան եղբօրն է տեսնում.  
Մարդիկ ծաղրում են և ամեն մէկը  
Նրա նկատմամբ թոյլ կը տայ իրան  
Ինչ որ կամենայ: Նրան Աստուած էլ  
Չէ դատում: Թշուառ, խեղճուկ ծերունի,  
Նրա այն տեսքը նորոգեց իմ մէջ  
Իմ գղջումների բոլոր տանջանքը:

Ռբարդ:

Ահն իշխանը. հազիւ հազ դտանք:

Իշխան:

Ինչո՞ւ էք եկել:

Ռբարդ:

Մեզ իշխանուհին

Ուղարկեց այստեղ. նա վախենում էր  
Որ և է փորձանք քեզ չը պատահի:

Իշխան:

Անտանելի է նրա խնամքը.

Թէ ես մանուկ եմ, որ մի քայլ անել  
Ինձ չի կարելի առանց դայեակի: (Գնում է:  
Յաւերժահարսերը երևում են ջրի երեսին):

Յաւերժահարսեր:

Այս հարթ դաշտում նրանց կաքից  
Եկէք վազ տանք շտապով.  
Եկէք, քնչեր, նրանց ձիանց  
Խրտնեցնենք սուլոցով,  
Մեր քրքիչով, ծփանքով:  
Ուշ է արդէն, կանչեցին  
Աքլարները հեռում,  
Ալիքները ցրտեցին,  
Ձինջ լուսինը մայր մտաւ,  
Մութը պատեց երկնքին:

## Մեկը:

Քիչ էլ մնանք. քոյրիկ ջան:

## Մի ուրիշը:

Ո՛չ, ո՛չ, ժամ է. թաղուհին—  
Մեր քոյրիկը շատ է խիստ,  
Սպասում է սննանդիստ: (Անհետանում են)

## ՏԵՍԱՐԱՆ ՀԻՆԳԵՐՈՐԿ

## Դ ն է պ ը ի յ ա տ ա կ ը:

ՅԱՒԵՐԺԱՀԱՐՍԵՐԻ ԱՊԱՐԱՆՔԸ. ՅԱՒԵՐԺԱՀԱՐՍԵՐԸ ՄԱ-  
ՆՈՒՄ ԵՆ ԻՐԱՆՅ ՔԱԳՈՒՀՈՒ ՇՈՒՐՁԸ ԲՈՂՈՐՍԵ

## Աւագ յաւերժահարս:

Հերիք է մանէք, քոյրիկներ, Արևը  
Մայր մտաւ արդէն—լուսինն է փայլում  
Մեզ վրայ ինչպէս մի շողշողուն սիւն:  
Հերիք է, հերիք, լո՛ղ տուէք դէպ՝ վեր—  
Եւ երկնքի տակ խաղացէք աղատ:  
Բայց թէ ոչ դքի ձեռք չը տաք այսօր:

Չը համարձակուէք գրգռել ափում  
Ման եկողներին, չը ծանրացնէք  
Ձկնորսի ուռկանն արիղմով ու խոտով,  
Եւ չը հրապուրէք մանկան ջրի մէջ՝  
Պատմելով նրան անուշ հէքեաթներ  
Ձկների մասին: (Գալիս է փոքրիկ յաւերժահարսը):  
Ո՞րտեղ էիր դու:

## Աղջիկ:

Դուրս եկայ, յամաք իմ պապիկիս մօտ:  
Նա երեկոյեան խնդրեց ինձ գտնել  
Գետի յատակում այն դրամները,  
Որ մի ժամանակ նա ջուրն էր գցել:  
Ես շատ վնասեցի. ինչ է դրամը,  
Ես չը գիտեմ էլ, բայց նրա համար  
Մի բունն խխունջ տարայ, դրանով  
Նա շատ ուրախ էր:

## Յաւերժահարս:

## Խեղագոր ժլատ:

Լսիր, աղջիկս, քեզ վրայ եմ ես  
Այսօր յոյս դնում: Մեզ մօտ, գետափը  
Գալու է մի մարդ. զգո՛յճ եղիր դու,  
Եւ դուրս եկ նրան զիմաւորելու:  
Մեզ ազգական է—նա քո հայրն է:

## Աղջիկ:

Նա՛ որ քեզ թողեց և ամուսնացաւ  
Ուրիշ կնոջ հետ:

## Յաւերժահարս:

Այ՛ն, նա: Սիրիք

Եւ գգուիր նրան և պատմիր ինչ որ  
Ինձնից լսել ևս թէ քո ծննդեան  
Եւ թէ իմ մասին: Եթէ հարցնէ,  
Արդեօք ևս նրան դեռ չեմ մոռացել,—  
Ասա՛, որ դարձեալ նրան յիշում ևմ  
Եւ արտով սիրում ու սպասում ևմ  
Միշտ նրա դալուն: Դու հասկացար ինձ:

## Աղջիկ:

Օ՛, հասկացայ:

## Յաւերժահարս:

Դէ՛հ, դնա՛ (Մենակ) Այն  
օրից,

Երբ ինձ գցեցի խելագարի պէս  
Այս ջրերի մէջ, ինչպէս անարգուած  
Յուսահատ աղջիկի, և Դընէպրի

Խորքում ևս դարձայ սառը և հզօր  
Մի յաւերժահարս,—և ամենայն օր  
Վրէժինդրութեան մասին ևմ խորհում,  
Եւ այսօր, կարծես, ժամը հասել է:

## ՏԵՍԱՐԱՆ ՎԵՑԵՐՈՐԴ

Դնէ պրի ա փը:

## Իշխան:

Դէպի այս տխուր ափերն ակամայ  
Ինձ մի անյայտ ոյժ հրապուրում է միշտ...  
Այստեղ ամեն ինչ յիշեցնում է  
Անցած օրերը և ազատ, կարմիր  
Իմ ջահէլութեան՝ թէև վշտալի,  
Բայց անուշ վէպը: Այստեղ երբեմն  
Ես ազատ էի և ազատ սիրով  
Երջանիկ: Անխելք... Եւ կարողացայ  
Ես սյդպէս անմիտ հրաժարուել բախտից...  
Տխուր, շատ տխուր մտքեր նորոգեց  
Երէկ ծերի հետ իմ հանդիպումը:  
Խեղճ, տարաբնու հայր. ինչ սոսկալի էր:



Գուցէ այսօր էլ նրան հանդիպեմ,  
 Եւ համաձայնի թողնել անտար  
 Եւ մեզ մօտ ապրել... (Փոքրիկ լաւութահարսը  
 գուրս է գալիս սիլը)

Ի՞նչ եմ տեսնում ես.

Ո՞րտեղից ես դու, հրաշալի մանուկ:

\*)

\*) Պուշկինի այս սօսեման չէ վերջացած:

Գինն է 15 ԿՈԳ.

Դիմել «Մարտի» խմբագրություն

ՀՀ Ազգային գրադարան



NL0333060

13.1